

大唐開元禮



大唐開元禮



大唐開元禮卷第五十一

吉禮

薦新於太廟

季夏祭中霤於太廟

孟冬祭司寒

納冰開冰附

興慶宮祭五龍壇

薦新於太廟

薦新之日太廟令帥齋郎灑掃於廟之內外太官預

饌所薦之物於神廚

若有酒者廟司設尊沽蠶洗如常式

謁者引太常

卿入立於東門之內道北西向謁者贊引稱再拜太

常卿再拜進饌者奉饌入自正門升自泰階各設於

神座前

籩豆蓋纂徹之如式

訖降自東階以出謁者引太常卿

升自東階詣獻祖室戶前盥洗酌獻訖再拜又再拜
若無酒卽訖謁者引太常卿復位謁者贊拜太常卿
但再拜也再拜訖謁者引出

薦新物

冬魚

蕨

筍

蒲

白韭

莖

胥豆

小豆

蘘荷

菱人

子薑

菱索

春酒

桑落酒

竹根

梁米

黃米

粳米

糯米

稷米

茄子

甘蔗

芋子

雞頭人

苜蓿

蔓菁

胡瓜

冬瓜

瓠子

春魚

水蘇

枸杞

芙茨

子藕

大麥麵

瓜

油麻

麥子

椿頭

蓮子

栗

冰

甘子

櫻桃

李

杏

林檎

橘

榘

菴羅果

棗

兔脾

驢

鹿

野雞

薦新物皆以品物時新堪供進者所司先送太常令
尚食相知簡擇仍以滋味與新物相宜者配之以薦
皆如上儀

祭中霤

季夏土王日祭中霤於太廟之庭 前祭三日諸享

官散齋二日於正寢致齋一日於廟所散齋理事如舊惟不弔喪問疾不作樂不判署刑殺文書不行刑罰不預穢惡致齋惟祭事得行其餘悉斷其祭官已齋而闕者通攝行事 前祭一日衛尉陳設如常

祭日未明十刻太官丞具特牲之饌 未明一刻太

廟令帥其屬入布神座於廟庭西門之內道南東向

席以莞設神位於座首設酒尊於神座東南設洗又

於酒尊東南俱北向罍水在洗東篚在洗西南肆篚實

以巾 奉禮設太廟令位於神座東南執事者位於其

後俱北面西上設門外位皆於東門之外道南重行

北向以西爲上 質明諸行事之官各服其服良醢
之屬入實尊罍太官丞監實籩豆簋簠贊引引太廟
令又贊引引執事者俱就門外位太祝與執尊罍篚
冪者先入詣神座前西向再拜訖各就位立定贊引
引太廟令又贊引引執事者入就位贊引贊拜太廟
令以下皆再拜太官丞出詣饌所贊引進太廟令之
左白有司謹具請行事退復位太官丞引饌入太祝
迎引於座首設於神座前訖太官丞以下還本位太
祝還尊所贊引引太廟令詣罍洗盥手洗爵詣酒尊
所執尊者舉冪太廟令酌酒贊引引太廟令進神座

前西面跪奠爵俛伏興少退西向立太祝持版進於神座之右北面跪讀祝文曰維某年歲次月朔日子開元神武皇帝謹遣具位姓名敢昭告於中霤賴茲保養眈庶以安式荷神功祗率恆禮爰以特牲薌合薌其嘉蔬嘉薦醴酒明祀於神尚饗訖興太廟令再拜太祝進跪奠版於神座俛伏興還尊所太祝以爵酌福酒進太廟令之左北面立太廟令再拜受爵跪祭酒遂飲卒爵太祝進受爵復還尊所太廟令俛伏興再拜贊引引還本位太祝進跪徹豆俛伏興還尊所徹者少移於故處太祝與執尊罍篚者俱復位立定贊引

贊拜太廟令以下皆再拜贊引進太廟令之左白禮畢遂引太廟令以下出其祝版燔於齋坊

孟冬祭司寒

納冰開冰附

前三日諸祭官散齋二日於家正寢致齋一日於祭所右校埽除祭所衛尉陳設如常祭日未明十刻

太官丞具特性之饌未明一刻郊社丞入布神座

於廟北南向設神位於座首又帥其屬設酒尊於神座東南設洗於酒尊東南俱北向罍水在洗東篚在

洗西南肆

篚實以巾爵

執尊罍篚者各位於尊罍篚之後

上林令設桃弧棘矢於冰室戶內之右

祭訖遂留之

奉禮

設上林令位於神座東南執事者陪其後俱重行西向以北爲上 質明上林令以下各服其服郊社丞良醢之屬入實尊罍太官丞監實籩豆簋簠贊引引上林令又贊引引執事者俱就門外位立定太祝與執尊罍篚者先入立於神座前北向俱再拜訖各就位贊引引上林令又贊引引執事者俱入就位立定贊引贊拜上林令以下皆再拜太官丞出詣饌所贊引進上林令之左白有司謹具請行事退復位太官丞引饌入太祝迎於座首設於神座前訖太官丞以下還本位太祝還尊所贊引引上林令盥手洗爵詣

酒尊所執尊者舉冪上林令酌酒贊引引上林令進
神座前北面跪奠爵俛伏興少退北向立太祝持版
進於神座之右東面跪讀祝文曰維某年歲次某十
月朔日開元神武皇帝謹遣某官姓名敢昭告於玄
冥之神順茲時令增冰堅厚式遵常典將納凌陰謹
以玄牡秬黍嘉薦清酌明祀於神尙饗訖興上林令
再拜太祝進跪奠版於神座俛伏興還尊所太祝以
爵酌福酒進上林令之右西向立上林令再拜受爵
跪祭酒遂飲卒爵太祝進受爵復於尊所上林令跪
俛伏興再拜贊引引還本位太祝進跪徹豆俛伏興

還尊所徹者少移於故處太祝與執尊壺篚者俱復位立定

贊引贊拜上林令以下皆再拜贊引進上林令之左

白禮畢贊引引上林令以下出其祝版燔於齋坊

興慶宮祭五龍壇

將祭有司筮日如前儀前祀三日諸預祭之官散

齋二日致齋一日散齋於寢致齋於祀所散齋理事如舊惟不

弔喪問疾不作樂不行刑罰不判署刑殺文書不預

穢惡致齋惟祭事得行其餘悉斷其祭官已齋而闕

者通攝行事前祭二日守宮設祭官次於東壝之

外道南北向以西為上設陳饌幔於內壝東門之外

道南北向太樂令設判懸之樂於壇南右校埽除壇
之內外 前祀一日晡後一刻諸衛令其屬各以其
方器服守衛壇門清齋一宿奉禮設獻官位於壇東
南西向執事位於獻官東南俱西面北上設奉禮位
於獻官西南贊者二人在南差退設祭官以下門外
位於東壝之外道南每等異位重行北向以西爲上
郊社令帥齋郎設散尊五龍各二於壇上東南隅北
向西上尊皆加勺幕設洗於壇東南北向罍水在洗
東有坫以置尊東篚在洗西南肆篚實以巾爵執尊罍篚者各位於尊
罍篚幕之後 祀日未明十刻太官令帥宰人以鸞

刀烹牲於廚牲以少牢未明二刻郊社令帥齋郎各服其

服升設五龍座於壇上近北南向東上席以莞設神

位各於座首未明一刻祭官以上各服其服郊社

令與良醢之屬入實尊罍太祝以幣置於筐太官令

帥進饌者實諸籩豆簋簠等設於饌幔內質明謁

者引獻官以下就門外位奉禮帥贊者先入就位執

尊罍篚冪者入當壇南重行北向以西爲上立定奉

禮曰再拜贊者承傳執尊罍篚冪者皆再拜訖執尊

罍篚冪者自東陞升立於尊所各就位太樂令帥工

人入就位謁者進獻官之左白有司謹具請行事退

復位協律郎跪俛伏舉麾工鼓祝乃奏

闕文

之樂以

姑洗之均樂舞三成偃麾戛敔樂止奉禮曰眾官再拜眾官在位者皆再拜訖復位太祝取幣於篚立於尊所太官令帥進饌者奉饌陳於東門外謁者引獻官詣南陛升北向立太祝以幣授獻官獻官受幣登歌作以南呂之均謁者引獻官進北面跪奠於青龍之座前諸座皆太祝助奠俱畢獻官再拜訖登歌止謁者引獻官降自南陛還本位太官令引饌入升自南陛太祝迎引於壇上設饌於神座前訖降復位謁者引獻官詣盥洗盥手洗爵訖引升南陛詣酒尊所

執尊者舉冪獻官酌清酒謁者引進神座前北面跪奠爵於青龍之座太祝等助奠諸座俱畢少退北向

立太祝持版進於青龍座之右東面跪讀祝文臨時制撰

訖獻官再拜太祝進跪奠版於神座俛伏興還尊所

太祝以爵酌鬯福酒進獻官之右西向立獻官再拜

受爵跪祭酒啐酒奠爵興太祝帥齋郎進俎太祝跪

減神前胙肉興以授獻官獻官受以授齋郎獻官跪

取爵遂飲卒爵太祝進受爵復於坫獻官再拜謁者

引降復位太祝跪徹豆俛伏興還尊所奉禮曰賜胙

贊者唱眾官再拜眾官在位者皆再拜獻官不拜奉禮又

曰再拜在位者俱再拜謁者進獻官之左白禮畢遂
引獻官以下出太祝以下復執事位立定奉禮曰再
拜太祝再拜訖出其祝版燔於齋所

如沈玉於川臨
時別取進止